

«ՀԱՍՏԱՏՎԱԾ Է»

ՀՀ ոստիկանության կրթահամալիրի  
գիտական խորհրդի՝ 11.02.2015 թ.  
թիվ 2 նիստում:

ՀՀ ոստիկանության կրթահամալիրի  
գիտական խորհրդի նախագահ,  
ոստիկանության գեներալ-լեյտենանտ  
Հովհ. Վարյան

«\_\_\_\_\_» \_\_\_\_\_ 2015 թ.

## Կ Ա Ր Գ

**դիպլոմային աշխատանքի և մագիստրոսական թեզի ընտրության,  
պատրաստման և պաշտպանության**

### **1. Ընդհանուր դրույթներ**

1. Դիպլոմային աշխատանքի և մագիստրոսական թեզի ընտրության, պատրաստման և պաշտպանության կարգը (այսուհետ՝ կարգ) սահմանում է ակադեմիայի առկա և հեռակա ուսուցման բակալավրիատի, քոլեջի ոստիկականական միջին մասնագիտական կրթության սովորողների կողմից դիպլոմային աշխատանքի, ակադեմիայի առկա և հեռակա ուսուցման մագիստրատուրայի սովորողների կողմից մագիստրոսական թեզի ընտրության, պատրաստման ընթացակարգերը, ինչպես նաև դիպլոմային աշխատանքի և մագիստրոսական թեզի պաշտպանության կարգը և գնահատման համակարգը:

2. Դիպլոմային աշխատանքը որակավորման աշխատանք է, որը կոչված է համակարգելու և ամրապնդելու շրջանավարտների գիտելիքներն ու կարողությունները և, որպես կանոն, պետք է ունենա գործնական նշանակություն՝ լուծի մասնագիտական որոշակի խնդիր (խնդիրներ):

3. Մագիստրոսական թեզը որակավորման աշխատանք է, որը վկայում է հեղինակի անձնական ներդրման, տեսական գիտելիքների ու գործնական կարողությունների օգտագործմամբ ինքնուրույն գիտագործնական հետազոտություններ անցկացնելու ընդունակության մասին:

4. Դիպլոմային աշխատանքի և մագիստրոսական թեզի ուղղությամբ կատարվող աշխատանքներն իրականացվում են ոստիկանական միջին մասնագիտական կրթության, բակալավրիատի և մագիստրատուրայի ուսումնական պլանով նախատեսված ժամանակի շրջանակներում՝ գիտահետազոտական աշխատանքի համար հատկացված ժամերի, մագիստրոսական թեզի և դիպլոմային աշխատանքի համար նախատեսված ժամերի հաշվին:

## **2. Դիպլոմային աշխատանքի և մագիստրոսական թեզի թեմայի ընտրությունը**

5. Դիպլոմային աշխատանքի թեմայի ընտրությունը կատարվում է ոստիկանական միջին մասնագիտական կրթության ֆակուլտետում կամ բակալավրիատում ուսուցման վերջին ուստարվա առաջին կիսամյակում՝ մինչև սեպտեմբերի 15-ն ընկած ժամանակահատվածում:

6. Մագիստրոսական թեզի թեմայի ընտրությունը կատարվում է մագիստրատուրայում ուսուցման առաջին կիսամյակում՝ մինչև սեպտեմբերի 15-ն ընկած ժամանակահատվածում:

7. Դիպլոմային աշխատանքի և մագիստրոսական թեզի թեմաներն ընտրվում են ակադեմիայի ամբիոններում՝ համապատասխան ամբիոնի նիստում նախօրոք քննարկված ու առաջարկվող թեմաների ցանկից:

8. Դիպլոմային աշխատանքի և մագիստրոսական թեզի թեմայի ընտրության հարցում ամբիոնի կողմից կարող են ընդունվել նաև ոստիկանական միջին մասնագիտական կրթության, բակալավրիատի սովորողների և մագիստրանտների առաջարկները, եթե դրանք հիմնավորված են, համապատասխանում են մասնագիտությանը և չեն կրկնվում:

9. Մինչույն թեմայի ընտրությունը ոստիկանական միջին մասնագիտական կրթության կամ բակալավրիատի տարբեր սովորողների և մագիստրանտների

կողմից արգելվում է: Եթե նույն թեմային հավակնում են ուստիկանական միջին մասնագիտական կրթության կամ բակալավրիատի մեկից ավելի սովորողներ կամ մագիստրանտներ, ապա նախապատվությունը տրվում է առավել բարձր առաջադիմություն ունեցողին: Հավասար առաջադիմության դեպքում նախապատվությունը տրվում է այն անձին, ով ամբիոն կներկայացնի թեմային նվիրված առավել հիմնավոր ռեֆերատ:

10. Յուրաքանչյուր ուսումնական տարում դիպլոմային աշխատանքի և մագիստրոսական թեզի թեմաները ենթակա են վերանայման և չեն կրկնում նախորդ ուստարվա համար առաջարկված թեմաներին:

11. Դիպլոմային աշխատանքի և մագիստրոսական թեզի թեմաները չպետք է կրկնվեն առնվազն 3 տարի:

12. Դիպլոմային աշխատանքի և մագիստրոսական թեզի կատարման համար մասնագիտական ամբիոնի կողմից նշանակվում է ղեկավար:

13. Բակալավրիատի սովորողների և մագիստրանտների համապատասխանաբար դիպլոմային աշխատանքի և մագիստրոսական թեզի թեմաներն ու նշանակված ղեկավարների ցուցակները ներկայացվում են ակադեմիայի խորհրդի հաստատմանը:

14. Ուստիկանական միջին մասնագիտական կրթության ֆակուլտետի սովորողների դիպլոմային աշխատանքի թեմաներն ու նշանակված ղեկավարների ցուցակները ներկայացվում են քոլեջի խորհրդի հաստատմանը:

### **3. Դիպլոմային աշխատանքի և մագիստրոսական թեզի կառուցվածքն ու ձևավորումը**

15. Դիպլոմային աշխատանքը և մագիստրոսական թեզը կազմված են՝

- տիտղոսաթերթից,
- բովանդակությունից (ցանկից),
- ներածությունից,
- աշխատանքի հիմնական մասից (գլուխներ և պարագրաֆներ),
- եզրակացությունից,

- օգտագործված գրականության ցանկից,
- հավելվածներից (եթե այդպիսիք կան):

16. Դիպլոմային աշխատանքի ներածությունում առնվազն անհրաժեշտ է ներկայացնել հետազոտության թեմայի արդիականությունը, հետազոտության նպատակը, հետազոտության օբյեկտը և առարկան, հետազոտության տեսական հիմքը, հետազոտության նորմատիվ հիմքը և աշխատանքի կառուցվածքը:

17. Մագիստրոսական թեզի ներածությունում անհրաժեշտ է ներկայացնել հետազոտության թեմայի արդիականությունը, թեմայի մշակվածության աստիճանը, հետազոտության նպատակը և խնդիրները, հետազոտության օբյեկտը և առարկան, հետազոտության մեթոդաբանական հիմքը, հետազոտության տեսական հիմքը, հետազոտության փորձառնական (էմպիրիկ) հիմքը, հետազոտության նորմատիվ հիմքը և թեզի կառուցվածքը:

18. Դիպլոմային աշխատանքի և մագիստրոսական թեզի հիմնական մասը ներկայացվում է գլուխներով: Գլուխները, որպես կանոն, բաղկացած են պարագրաֆներից:

19. Դիպլոմային աշխատանքի և մագիստրոսական թեզի եզրակացությունը պետք է շարադրված լինի հակիրճ, ընդգրկի հիմնախնդրի արդի վիճակի գնահատականը և լուծման վերաբերյալ առաջարկությունները:

20. Դիպլոմային աշխատանքը և մագիստրոսական թեզը ներկայացվում են համակարգչային ձևավորման տեսքով՝ պահպանելով հետևյալ կանոնները.

1) **Ծավալը՝** դիպլոմային աշխատանքի համար՝ 40-ից 50 էջ, իսկ մագիստրոսական թեզի համար՝ 60-ից 80 էջ:

Նշված ծավալում չեն ընդգրկվում մագիստրոսական թեզի և դիպլոմային աշխատանքի հավելվածները: Էջանշումը կատարվում է էջի ներքևում՝ մեջտեղում:

Դիպլոմային աշխատանքի և մագիստրոսական թեզի տեքստը գրվում է միայն թերթերի դիմային (առաջին) էջի վրա: Բոլոր գրված էջերը համարակալվում են: Տիտղոսաթերթ նույնպես ընդգրկվում է համարակալման մեջ, բայց դրա վրա էջի համար չի դրվում: Հավելվածները համարակալվում են ինքնուրույն կերպով՝ հիմնական տեքստից առանձին: Յուրաքանչյուր հավելված պետք է ունենա անվանում, որն արտացոլում է դրա բովանդակությունը:

2) Ոստիկանական միջին մասնագիտական կրթության ֆակուլտետի սովորողի կողմից պատրաստվող դիպլոմային աշխատանքի տիտղոսային էջին ներկայացվում են հետևյալ պահանջները՝ էջի վերևի հատվածում՝ կենտրոնում, հետևյալ հերթականությամբ նշվում են՝ «ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ՔՈԼԵՋ», «ՈՍՏԻԿԱՆԱԿԱՆ ՄԻՋԻՆ ՄԱՍՆԱԳԻՏԱԿԱՆ ԿՐԹՈՒԹՅԱՆ ՖԱԿՈՒԼՏԵՏ», «ԱՄԲԻՈՆԻ ԱՆՎԱՆՈՒՄԸ», «ԴԻՊԼՈՄԱՅԻՆ ԱՇԽԱՏԱՆՔ»: Նշված տեղեկություններից հետո էջի ձախ հատվածում նշվում են՝ հեղինակի անունը և ազգանունը, ոստիկանության կոչումը, թեմայի անվանումը, գիտական ղեկավարի անունը և ազգանունը, ոստիկանության կոչումը, գիտական աստիճանը և գիտական կոչումը (Հավելված 1):

3) Բակալավրիատի սովորողի կողմից պատրաստվող դիպլոմային աշխատանքի տիտղոսային էջին ներկայացվում են հետևյալ պահանջները՝ էջի վերևի հատվածում՝ կենտրոնում, հետևյալ հերթականությամբ նշվում են՝ «ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ԱԿԱԴԵՄԻԱ», «ԻՐԱՎԱԳԻՏՈՒԹՅԱՆ ՖԱԿՈՒԼՏԵՏ (կամ՝ ՀԵՌԱԿԱ ՈՒՍՈՒՑՄԱՆ ՖԱԿՈՒԼՏԵՏ)», «ԱՄԲԻՈՆԻ ԱՆՎԱՆՈՒՄԸ», «ԴԻՊԼՈՄԱՅԻՆ ԱՇԽԱՏԱՆՔ»: Նշված տեղեկություններից հետո էջի ձախ հատվածում նշվում են՝ հեղինակի անունը և ազգանունը, ոստիկանության կոչումը, թեմայի անվանումը, գիտական ղեկավարի անունը և ազգանունը, ոստիկանության կոչումը, գիտական աստիճանը և գիտական կոչումը (Հավելված 2):

4) Մագիստրոսական թեզի տիտղոսային էջին ներկայացվում են հետևյալ պահանջները՝ էջի վերևի հատվածում՝ կենտրոնում, հետևյալ հերթականությամբ նշվում են՝ «ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ԱԿԱԴԵՄԻԱ», «ԱՄԲԻՈՆԻ ԱՆՎԱՆՈՒՄԸ», «ՄԱԳԻՍՏՐՈՍԱԿԱՆ ԹԵԶ»: Նշված տեղեկություններից հետո էջի ձախ հատվածում նշվում են՝ հեղինակի անունը և ազգանունը, ոստիկանության կոչումը, թեմայի անվանումը, գիտական ղեկավարի անունը և ազգանունը, ոստիկանության կոչումը, գիտական աստիճանը և գիտական կոչումը (Հավելված 3):

5) Դիպլոմային աշխատանքի և մագիստրոսական թեզի գլուխները և պարագրաֆները տեքստում անհրաժեշտ է առանձնացնել մուգ տառատեսակով (**B-bold**): Յուրաքանչյուր գլուխ անհրաժեշտ է սկսել նոր էջից:

6) Դիպլոմային աշխատանքի և մագիստրոսական թեզի տեքստը պատրաստվում է՝ Microsoft Office Word ծրագրով, թղթի ֆորմատը՝ A4, տառատեսակը՝ Unicode, տառաչափը՝ 12, տողային միջակայքը՝ 1.5, լուսանցքները՝ ձախից – 3.0 սմ, աջից – 1.5 սմ, ներքևից և վերևից – 2.0 սմ: Նոր պարբերությունը սկսել 1.0 սմ խորքից:

Տեքստն ամբողջությամբ հավասարեցվում է ըստ լայնության:

7) Հղումներին ներկայացվում են տեխնիկական հետևյալ պահանջները. տառատեսակը՝ Unicode, տառաչափը՝ 10, տողային միջակայքը՝ 1.0:

8) Հղումները ներառում են հետևյալ տվյալները՝ 1) աշխատության հեղինակի ազգանունն ամբողջությամբ, անվան և հայրանվան առաջին տառերը, 2) աշխատության լրիվ անվանումը, 3) տպագրության վայրը, 4) տպագրության տարին, 5) այն էջերի հերթական համարները, որտեղ հանդիպում է մեջբերված տեքստը (օր.՝ Պողոսյան Պ.Պ. Իրավագիտություն: Երևան, 2014: Էջ 26-27):

9) Եթե հղում է կատարվում գիտական հոդվածների ժողովածուին կամ ամսագրին, ապա այն ունենում է հետևյալ տեսքը՝ 1) հեղինակի ազգանունն ամբողջությամբ, անվան և հայրանվան առաջին տառերը, 2) հոդվածի լրիվ անվանումը, 3) ժողովածուի կամ ամսագրի անվանումը, 4) գիտական հանդեսի կամ ամսագրի հերթական և ընդհանուր համարը, 5) տպագրության տարին, 6) այն էջերի հերթական համարները, որտեղ հանդիպում է մեջբերված տեքստը (օր.՝ Պողոսյան Պ.Պ. Ապացուցման հիմնահարցերը քրեական դատավարությունում // Իրավագիտության հարցեր: № 13 (79), 2014: Էջ 26-27):

10) Ինտերնետային կայքին հղում կատարելիս ինտերնետ-հասցեն նշվում է ամբողջությամբ: Օր.՝ URL:[https://www.e-gov.am/u\\_files/arc\\_voroshum/Mar9-6\\_1.pdf](https://www.e-gov.am/u_files/arc_voroshum/Mar9-6_1.pdf):

11) Օգտագործված գրականության ցանկում նշվում են օգտագործված աղբյուրների (գիրք, իրավական ակտ, ինտերնետային կայք և այլն) վերաբերյալ բոլոր տվյալները, այդ թվում՝ գրքի լրիվ էջերի քանակը:

12) Իրավական ակտերի վերաբերությամբ նշվում են՝ դրա անվանումը, իրավական ակտի ընդունման տարեթիվը, իրավական ակտի համարը, ՀՀ պաշտոնական կամ գերատեսչական ակտերի տեղեկագրի հերթական և ընդհանուր համարը, որտեղ այն տպագրվել է, և նշված տեղեկագրում հոդվածի համարը, որում

իրավական այդ ակտը տեղակայվել է (օր.՝ «Օպերատիվ-հետախուզական գործունեության մասին» ՀՀ օրենք /27. 10. 2007 թ., ՀՕ-223-Ն, ՀՀՊՏ 2007.11.28/59 (583): Հոդ.1197:):

#### **4. Դիպլոմային աշխատանքի և մագիստրոսական թեզի պաշտպանության նախապատրաստումը**

21. Դիպլոմային աշխատանքը և մագիստրոսական թեզը թողարկող ամբիոնն են ներկայացվում դրանց պաշտպանությունից առնվազն մեկ ամիս առաջ:

22. Դիպլոմային աշխատանքի և մագիստրոսական թեզի վերաբերյալ ամբիոնի կողմից պատրաստվում է կարծիք, որը քննարկվում է ամբիոնի նիստում: Ամբիոնի տվյալ նիստին մասնակցում է նաև ոստիկանական միջին մասնագիտական կրթության ֆակուլտետի կամ բակալավրիատի սովորողի կամ մագիստրանտի ղեկավարը:

23. Ամբիոնի կարծիքը պարունակում է հիմնավորված հետևությունն սույն կարգի պահանջներին դիպլոմային աշխատանքի կամ մագիստրոսական թեզի համապատասխանության, ինչպես նաև եզրահանգում՝ դիպլոմային աշխատանքը կամ մագիստրոսական թեզը հրապարակային պաշտպանության ենթակա լինելու մասին:

24. Դիպլոմային աշխատանքի և մագիստրոսական թեզի հեղինակն ու ղեկավարը ստորագրում են տիտղոսաթերթի վրա:

25. Ոստիկանական միջին մասնագիտական կրթության ֆակուլտետի սովորողի հեղինակած դիպլոմային աշխատանքն արտաքին գրախոսման է ուղարկվում քոլեջի ոստիկանական միջին մասնագիտական կրթության ֆակուլտետի պետի կողմից:

26. Բակալավրիատի սովորողի հեղինակած դիպլոմային աշխատանքն արտաքին գրախոսման է ուղարկվում ակադեմիայի իրավագիտության ֆակուլտետի պետի կողմից:

27. Մագիստրոսական թեզն արտաքին գրախոսման է ուղարկվում ակադեմիայի մագիստրատուրայի բաժանմունքի պետի կողմից:

28. Դիպլոմային աշխատանքն ու մագիստրոսական թեզն արտաքին գրախոսականի և ամբիոնի կարծիքի հետ ներկայացվում է դրանց պաշտպանության հանձնաժողովի քարտուղարին:

29. Դիպլոմային աշխատանքը կամ մագիստրոսական թեզն արտաքին գրախոսման են ենթակա համապատասխան ոլորտի գիտական աստիճան ունեցող անձի կողմից:

30. Արտաքին գրախոսականը պարունակում է դիպլոմային աշխատանքի կամ մագիստրոսական թեզի շրջանակներում կատարված հետազոտության համապարփակ ուսումնասիրման արդյունքները, որի շրջանակներում գնահատական է տրվում և՛ հետազոտության ընթացքին և՛ հետազոտության արդյունքում արված եզրակացություններին:

## **5. Դիպլոմային աշխատանքի և մագիստրոսական թեզի պաշտպանությունը**

31. Դիպլոմային աշխատանքի և մագիստրոսական թեզի պաշտպանությունը կատարվում է ամփոփիչ ատեստավորման հանձնաժողովի առջև: Բացի հանձնաժողովի անդամներից պաշտպանությանը կարող են մասնակցել նաև գիտական ղեկավարը և գրախոսողը: Պաշտպանությունը տեղի է ունենում հրապարակային և բանավոր կարգով՝ դռնբաց նիստում:

32. Դիպլոմային աշխատանքի և մագիստրոսական թեզի բովանդակությունը ներկայացնելու համար յուրաքանչյուր սովորողի տրվում է մինչև 20 րոպե ժամանակ:

Ելույթի ընթացքում պետք է ներկայացվի աշխատանքի արդիականությունը, ուսումնասիրված հիմնախնդիրը, աշխատանքի համառոտ բովանդակությունը՝ հիմնական ուշադրությունը դարձնելով եզրակացություններին և առաջարկություններին:

33. Դիպլոմային աշխատանքի և մագիստրոսական թեզի բովանդակությունը ներկայացնելուց հետո հանձնաժողովի քարտուղարն ընթերցում է ամբիոնի կարծիքը և, գրախոսողի բացակայության դեպքում, նաև արտաքին գրախոսականը, որից հետո ոստիկանական միջին մասնագիտական կրթության ֆակուլտետի կամ բակալավրիատի սովորողը կամ մագիստրանտը պատասխանում է ամբիոնի



կարծիքում և արտաքին գրախոսականում առկա նկատառումներին կամ դիտողություններին՝ համաձայնելով դրանց հետ կամ ներկայացնելով իր տեսակետի հիմնավոր բացատրությունը:

34. Ամբիոնի կարծիքում և արտաքին գրախոսականում առկա նկատառումներին կամ դիտողություններին պատասխանելուց հետո հանձնաժողովի անդամները և պաշտպանությանը ներկա գտնվող անձինք ոստիկանական միջին մասնագիտական կրթության ֆակուլտետի կամ բակալավրիատի սովորողին կամ մագիստրանտին կարող են հարցեր ուղղել:

35. Ոստիկանական միջին մասնագիտական կրթության սովորողի հեղինակած դիպլոմային աշխատանքի պաշտպանության արդյունքները գնահատվում են «գերազանց», «լավ», «բավարար», «անբավարար» գնահատականներով՝ գնահատման 10 միավորանոց սանդղակով:

36. Ակադեմիայի բակալավրիատի սովորողի հեղինակած դիպլոմային աշխատանքի կամ մագիստրանտի մագիստրոսական թեզի պաշտպանության արդյունքները գնահատվում են «գերազանց», «լավ», «բավարար», «անբավարար» գնահատականներով՝ գնահատման 20 միավորանոց սանդղակով:

37. Ոստիկանական միջին մասնագիտական կրթության ֆակուլտետի սովորողի հեղինակած դիպլոմային աշխատանքի պաշտպանության գնահատման ընդհանուր որակական չափանիշների համար սահմանվում են գնահատման միավորների հետևյալ չափաքանակները.

Աղյուսակ 1

| N <sup>o</sup>   | Չափանիշը                                               | Առավելագույն միավորը |
|------------------|--------------------------------------------------------|----------------------|
| 1                | Ներկայացման որակը                                      | 4                    |
| 2                | Ձևակերպման որակը և կատարման ինքնուրույնության աստիճանը | 4                    |
| 3                | Արդիականությունը (նորույթը)                            | 2                    |
| <b>Ընդամենը՝</b> |                                                        | <b>10</b>            |

38. Ակադեմիայի բակալավրիատի սովորողի կողմից պատրաստած դիպլոմային աշխատանքի պաշտպանության գնահատման ընդհանուր որակական

չափանիշների համար սահմանվում են գնահատման միավորների հետևյալ չափաքանակները.

Աղյուսակ 2

| N <sup>o</sup>   | Չափանիշը                            | Առավելագույն միավորը |
|------------------|-------------------------------------|----------------------|
| 1                | Ներկայացման որակը                   | 6                    |
| 2                | Ձևակերպման որակը                    | 6                    |
| 3                | Կատարման ինքնուրույնության աստիճանը | 6                    |
| 4                | Արդիականությունը (նորույթը)         | 2                    |
| <b>Ընդամենը՝</b> |                                     | <b>20</b>            |

39. Մագիստրոսական թեզի պաշտպանության գնահատման ընդհանուր որակական չափանիշների համար սահմանվում են գնահատման միավորների հետևյալ չափաքանակները.

Աղյուսակ 3

| N <sup>o</sup>   | Չափանիշը                            | Առավելագույն միավորը |
|------------------|-------------------------------------|----------------------|
| 1                | Արդիականությունը (նորույթը)         | 6                    |
| 2                | Կատարման ինքնուրույնության աստիճանը | 6                    |
| 3                | Ձևակերպման որակը                    | 4                    |
| 4                | Ներկայացման որակը                   | 4                    |
| <b>Ընդամենը՝</b> |                                     | <b>20</b>            |

40. Դիպլոմային աշխատանքի և մագիստրոսական թեզի պաշտպանության արդյունքները հայտարարվում նույն օրը՝ ամփոփիչ ատեստավորման հանձնաժողովի նիստի արձանագրությունը կազմելուց հետո մեկ ժամվա ընթացքում:

41. Դիպլոմային աշխատանքի և մագիստրոսական թեզի պաշտպանության հանձնաժողովի բոլոր որոշումները քարտուղարի կողմից արձանագրվում են արձանագրությունների հատուկ մատյանում: Արձանագրությունները ստորագրում են հանձնաժողովի նախագահը և հանձնաժողովի՝ նիստին մասնակցած անդամները:

42. Մագիստրոսական թեզի պաշտպանությանը չներկայացած անձը կարող է դիմել ՀՀ ոստիկանության կրթահամալիրի պետին՝ թույլատրելու իրեն մասնակցել մագիստրոսական թեզի պաշտպանությանը՝ զեկուցագրում (դիմումում) շարադրելով չներկայանալու հարգելի պատճառները:

43. ՀՀ ոստիկանության կրթահամալիրի պետի կողմից մագիստրանտի խնդրանքը բավարարելու դեպքում մագիստրոսական թեզի պաշտպանությունը տեղի է ունենում նույն կուրսի մյուս խմբերի պաշտպանության ժամանակ կամ ՀՀ ոստիկանության կրթահամալիրի պետի կողմից նշանակած օրը:

44. «Անբավարար» գնահատական ստանալը կամ պաշտպանությանը անհարգելի կերպով չներկայանալը չի զրկում անձին մագիստրոսական թեզը պաշտպանելու իրավունքից:

Մագիստրոսական թեզը չպաշտպանած անձին թույլատրվում է կրկնել մագիստրոսական թեզի պաշտպանությունը հաջորդ ուսումնական տարում:

45. Մագիստրոսական թեզի պաշտպանության վերահանձնման ցանկության դեպքում, ՀՀ ոստիկանության կրթահամալիրի պետին հասցեագրված զեկուցագրի (դիմումի) հիման վրա, մագիստրանտը կցվում է համապատասխան ամբիոնին և ստանում մագիստրոսական թեզի նոր թեմա, իսկ մագիստրոսական թեզի ընտրությունը, պատրաստումը և պաշտպանությունն իրականացվում է ընդհանուր կարգով:

**ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ՔՈԼԵՋ**  
**ՈՍՏԻԿԱՆԱԿԱՆ ՄԻՋԻՆ ՄԱՍՆԱԳԻՏԱԿԱՆ ԿՐԹՈՒԹՅԱՆ ՖԱԿՈՒԼՏԵՏ**  
**ՎԱՐՉԱԿԱՆ ԻՐԱՎՈՒՆՔԻ ԵՎ ՈՍՏԻԿԱՆՈՒԹՅԱՆ ՎԱՐՉԱԿԱՆ**  
**ԳՈՐԾՈՒՆԵՈՒԹՅԱՆ ԱՄՔԻՈՆ**

**ԴԻՊԼՈՄԱՅԻՆ ԱՇԽԱՏԱՆՔ**

Հեղինակ՝ ոստիկանության ավագ սերժանտ Պողոս Պողոսի Պողոսյան  
Թեմա՝ Վարչական իրավահարաբերություններ  
Ղեկավար՝ իրավ. գիտ. թեկնածու, ոստիկանության փոխգնդապետ  
Գ.Վ.Իսրայելյան

Հանձնված է \_\_\_\_\_ 2015 թ.

Գրախոսված է \_\_\_\_\_ 2015 թ.

«Թույլատրելի պաշտպանության»

ամբիոնի պետ, իրավ. գիտ. թեկնածու,  
ոստիկանության փոխգնդապետ \_\_\_\_\_ Գ. Իսրայելյան

Պարոն/տիկին \_\_\_\_\_

Պաշտպանված է \_\_\_\_\_ 2015 թ.

Խնդրում եմ գրախոսել

Գնահատականը \_\_\_\_\_

Ոստիկանական միջին մասնագիտական  
կրթության ֆակուլտետի պետ,  
ի.գ.թ., ոստիկանության գնդապետ

Պետական քննական հանձնաժողովի  
նախագահ \_\_\_\_\_

\_\_\_\_\_ Գ.Կ. Կարապետյան

**Ե Ր Ե Վ Ա Ն 2015**

ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ԱԿԱԴԵՄԻԱ

ԻՐԱՎԱԳԻՏՈՒԹՅԱՆ ՖԱԿՈՒԼՏԵՏ

ՔՐԵԱԿԱՆ ԴԱՏԱՎԱՐՈՒԹՅԱՆ ԱՄԲԻՈՆ

## ԴԻՊԼՈՄԱՅԻՆ ԱՇԽԱՏԱՆՔ

Հեղինակ՝ ոստիկանության ավագ սերժանտ Պողոս Պողոսի Պողոսյան

Թեմա՝ Քրեական դատավարության սուբյեկտները

Ղեկավար՝ իրավ. գիտ. թեկնածու, ոստիկանության փոխգնդապետ  
Ա.Ռ.Հովհաննիսյան

Հանձնված է \_\_\_\_\_ 2015 թ.

Գրախոսված է \_\_\_\_\_ 2015 թ.

«Թույլատրելի պաշտպանության»

ամբիոնի պետ, իրավ. գիտ. թեկնածու,  
ոստիկանության փոխգնդապետ \_\_\_\_\_ Ա.Հովհաննիսյան

Պարոն/տիկին \_\_\_\_\_

Պաշտպանված է \_\_\_\_\_ 2015 թ.

Խնդրում եմ գրախոսել

Գնահատականը \_\_\_\_\_

Իրավագիտության ֆակուլտետի պետ,  
իրավ. գիտ. թեկնածու, դոցենտ,  
ոստիկանության փոխգնդապետ

Պետական քննական հանձնաժողովի  
նախագահ \_\_\_\_\_

\_\_\_\_\_ Մ.Հ. Մուրադյան

ԵՐԵՎԱՆ 2015

ՀՀ ՈՍՏԻԿԱՆՈՒԹՅԱՆ ԿՐԹԱՀԱՄԱԼԻՐԻ ԱԿԱԴԵՄԻԱ

ՔՐԵԱԿԱՆ ԻՐԱՎՈՒՆՔԻ ԵՎ ՔՐԵԱԲԱՆՈՒԹՅԱՆ ԱՄԲԻՈՆ

## Մ Ա Գ Ի Ս Տ Ր Ո Ս Ա Կ Ա Ն Թ Ե Ձ

Հեղինակ՝ ոստիկանության լեյտենանտ Պողոս Պողոսի Պողոսյան

Թեմա՝ Հանցակիցների քրեական պատասխանատվությունը

Ղեկավար՝ իրավ. գիտ. թեկնածու, ոստիկանության մայոր Մ.Մ.Մարկոսյան

Հանձնված է \_\_\_\_\_ 2015 թ.

Գրախոսված է \_\_\_\_\_ 2015 թ.

«Թույլատրել պաշտպանության»

ամբիոնի պետ, իրավ. գիտ. թեկնածու,  
ոստիկանության մայոր \_\_\_\_\_ Մ.Մարկոսյան

Պարոն/տիկին \_\_\_\_\_

Պաշտպանված է \_\_\_\_\_ 2015 թ.

Խնդրում եմ գրախոսել

Գնահատականը \_\_\_\_\_

Մագիստրատուրայի բաժանմունքի  
պետ, ոստիկանության մայոր

Պետական քննական հանձնաժողովի  
նախագահ \_\_\_\_\_

\_\_\_\_\_ Գ.Գ. Գրիգորյան

Ե Ր Ե Վ Ա Ն 2015